


Díaz-Canel: ni alfrontu la komplekscon kiel defion



Havano, nov 27 (RHK) La kuba prezidento Miguel Díaz-Canel esprimis ke en la nuna jaro ni alfrontis la Covid-19 kun ĉiuj ĉiaj sekvoj en la ekonomio kaj socio. Nun ni prepariĝas por komenci jaron, kiu estos ankaŭ kompleksa kaj defia.

La prezidento kunvenis kun la guberniestroj kaj la intendanto de la speciala municipo Insulo de Junularo, per videokonferenco, kie li asertis ke ni venkis fortan jaron, kaj la ĉefan rekonon oni devas fari al la kuba popolo, kiu gvidita de la partio, alfrontis la plifortiĝon de la usona sieĝo, minacojn ĉiuspecajn, premojn kaj limigojn, kiuj fontis el la decidoj daŭre aplikataj de la usona registaro.

La nova estos la jaro de la VIII-a kongreso de la komunista partio kaj ankaŭ ni havos aliajn kialojn por renovigi niajn politikajn devojn, ĉar ni memorigos la 95-an naskiĝdatrevenon de Fidel kaj la kvinan jaron de lia forpaso.

Tiurilate, li precizigis kiel ni devas daŭre avanci por plenumi la interkonsentojn de la VII-a kongreso de la partio kaj ĝiajn programojn esencajn de la registaro.

La prezidento insistis pri la prioritato de la strategio sociekonomia kaj la monordigo de la lando, al kiuj neeviteble aliĝas la novaj defioj pri la Covid-19.

Temoj kiel plenumi la naciajn konstruajn planojn de loĝejoj, kaj aliaj kiel la damaĝoj provokitaj de la tropika ŝtormo Eta, la loka memprovizado, la demandoj de la civitanaro fronte al la kresko de prezoj de kelkaj produktoj kaj la nova epidemiologia scenejo enlanda, centrigis la analizon de la renkontiĝo gvidita de la ĉefministro, Manuel Marrero Cruz; la kunsidon ankaŭ partoprenis la dua sekretario de la komunista partio, José Ramón Machado Ventura, kaj la vicprezidentoj Salvador Valdés, samkiel la vicunaj

ministroj kaj ministroj.

<https://www.radiohc.cu/eo/noticias/nacionales/240927-diaz-canel-ni-alfrontu-la-kompleksecon-kiel-defion>



Radio Habana Cuba